

შპს „თბილისის სატრანსპორტო კომპანია“-ს მიერ, ქალაქ თბილისში მუნიციპალური მომსახურებისათვის საჭირო საზოგადოებრივი ავტობუსების სახელმწიფო შესყიდვის ელექტრონული ტენდერის (აუქციონის გარეშე) სატენდერო კომისიის სხდომის ოქმი №8

სხდომას ესწრებოდნენ:

სატენდერო კომისიის თავმჯდომარე:

გიორგი შარკოვი - შპს „თბილისის სატრანსპორტო კომპანიის“ გენერალური დირექტორი.

სატენდერო კომისიის თავმჯდომარის მოადგილე:

პაატა ბეჟანიშვილი - შპს „თბილისის სატრანსპორტო კომპანიის“ დირექტორი ავტობუსების ექსპლუატაციის საკითხებში.

სატენდერო კომისიის წევრები:

გიორგი ბეჟანიშვილი - შპს „თბილისის სატრანსპორტო კომპანიის“ გენერალური დირექტორის მრჩეველი;

ირმა არევამე - შპს „თბილისის სატრანსპორტო კომპანიის“ დირექტორი ფინანსურ საკითხებში;

გრიგოლი ხუცურაული - შპს „თბილისის სატრანსპორტო კომპანიის“ დირექტორი მეტროპოლიტენისა და საზოგადოებრივი ავტობუსების ექსპლუატაციის საკითხებში;

გიორგი ტალახაძე - შპს „თბილისის სატრანსპორტო კომპანიის“ დირექტორი (მთავარი ინჟინერი);

რევაზ მოსეშვილი - შპს „თბილისის სატრანსპორტო კომპანიის“ დირექტორი საინფორმაციო ტექნოლოგიების საკითხებში;

არჩილ წერეთელი - შპს „თბილისის სატრანსპორტო კომპანიის“ დირექტორი მონიტორინგისა და იურიდიულ საკითხებში;

გიორგი გოგამე - შპს „თბილისის სატრანსპორტო კომპანიის“ იურიდიული სამსახურის უფროსი;

გიორგი დოლიძე - შპს „თბილისის სატრანსპორტო კომპანიის“ შესყიდვების სამსახურის უფროსი;

მოწვეული სპეციალისტი:

გიორგი პაპავა - ქალაქ თბილისის მუნიციპალიტეტის მერიის მუნიციპალური შესყიდვების საქალაქო სამსახურის პირველადი სტრუქტურული ერთეულის ხელმძღვანელი (საქალაქო სამსახურის უფროსი).

სატენდერო კომისიის აპარატის წევრი:

დაჩი კობახიძე - შპს „თბილისის სატრანსპორტო კომპანიის“ შესყიდვების სამსახურის ტენდერებისა და ანგარიშგების მთავარი სპეციალისტი.

სხდომას არ ესწრებოდა:

მამუკა მუმლაძე - ქალაქ თბილისის მუნიციპალიტეტის მერიის ტრანსპორტის საქალაქო სამსახურის პირველადი სტრუქტურული ერთეულის ხელმძღვანელი (საქალაქო სამსახურის უფროსი).

დღის წესრიგი:

- ელექტრონული ტენდერის (აუქციონის გარეშე) საშუალებით, ქალაქ თბილისში მუნიციპალური მომსახურებისათვის საჭირო საზოგადოებრივი ავტობუსების (NAT180017308) სახელმწიფო შესყიდვის ტენდერთან დაკავშირებით შპს „ჯი-თი გრუპ“-ის მიერ წარდგენილი საჩივრის განხილვა.

მოისმინეს:

- სატენდერო კომისიის აპარატის წევრის, დაჩი კობახიძის ინფორმაცია, შპს „ჯი-თი გრუპ“-ის მიერ წარმოდგენილი საჩივრის შესახებ.

აღინიშნა:

- ქალაქ თბილისში მუნიციპალური მომსახურებისათვის საჭირო საზოგადოებრივი ავტობუსების სახელმწიფო შესყიდვის ელექტრონულ ტენდერთან (აუქციონის გარეშე) დაკავშირებით შპს „ჯი-თი გრუპ“-მა 2019 წლის 19 თებერვალს წარმოადგინა შპს „თბილისის სატრანსპორტო კომპანიაში“ (კომპანიაში რეგისტრაციის №2112/01; 19.02.2019) საჩივარი, რომელშიც მოთხოვნილია:
 1. გაუქმდეს სატენდერო კომისიის 2019 წლის 08 იანვრის სხდომის №5 ოქმით მიღებული გადაწყვეტილება და 2019 წლის 31 იანვრის №7 ოქმით მიღებული გადაწყვეტილება, შპს „ჯი თი გრუპ“-ის დისკვალიფიკაციის შესახებ;

№ 01/1102

19.02.2019წ.

2. სატენდერო კომისიის მიერ მიღებული იქნას ახალი გადაწყვეტილება, რომელშიც მოთხოვნა პრეტენდენტისათვის სატენდერო დოკუმენტაციის 2.2.1 და 2.2.1.4 ქვეპუნქტის დამადასტურებელი დოკუმენტაციის წარდგენასთან დაკავშირებით ჩამოყალიბებული იქნება ნათლად და კონკრეტულად, საბჭოს 2018 წლის 27 დეკემბრის, 2019 წლის 30 იანვრისა და 2019 წლის 18 თებერვლის გადაწყვეტილებების სამოტივაციო ნაწილების გათვალისწინებით და შპს „ჯი თი გრუპს“ მიეცეს შესაძლებლობა წარმოადგინოს დაზუსტებული დოკუმენტაცია.

- „საქართველოს კანონის სახელმწიფო შესყიდვების შესახებ“ 232-ე მუხლის მე-2 პუნქტის შესაბამისად:
 - საჩივრის შემსყიდველი ორგანიზაციისთვის წარდგენის შემთხვევაში შემსყიდველი ორგანიზაცია ვალდებულია არ მიიღოს გადაწყვეტილება ან არ განახორციელოს ქმედება გასაჩივრებულ სახელმწიფო შესყიდვის პროცედურებთან დაკავშირებით შესაბამისი გადაწყვეტილების მიღებამდე.
 - შემსყიდველმა ორგანიზაციამ სახელმწიფო შესყიდვის პროცედურის შეჩერების შესახებ ინფორმაცია უნდა განათავსოს სახელმწიფო შესყიდვების ერთიან ელექტრონულ სისტემაში.

კომისიამ დაადგინა:

- „საქართველოს კანონის სახელმწიფო შესყიდვების შესახებ“ 232-ე მუხლის შესაბამისად, შეჩერდეს ქალაქ თბილისში მუნიციპალური მომსახურებისათვის საჭირო საზოგადოებრივი ავტობუსების სახელმწიფო შესყიდვის პროცედურები არაუმეტეს 10 (ათი) სამუშაო დღისა.
- სატენდერო კომისია, სატენდერო პროცედურებს გააგრძელებს ზემოაღნიშნულ საჩივარზე გადაწყვეტილების მიღების შემდეგ არაუგვიანეს 2019 წლის 05 მარტისა.
- დაევალოს სატენდერო კომისიის აპარატს წინამდებარე ოქმის (პროცედურის შეჩერების შესახებ) სახელმწიფო შესყიდვების ერთიან ელექტრონულ სისტემაში ატვირთვა.

კომისიის თავმჯდომარე

გიორგი შარკოვი

კომისიის წევრი

პაატა ბეჟიაშვილი

კომისიის წევრი

გიორგი ბეჟიაშვილი

კომისიის წევრი

ირმა არევაძე

კომისიის წევრი

გრიგოლ ხუცურაული

კომისიის წევრი

გიორგი ტალახაძე

კომისიის წევრი

რევაზ მოსეშვილი

კომისიის წევრი

არჩილ წერეთელი

კომისიის წევრი

გიორგი გოგაძე

კომისიის წევრი

გიორგი დოლიძე

მოწვეული სპეციალისტი

გიორგი პაპავა

აპარატის წევრი

დაჩი კობახიძე

GTG 19/61
19/02/2019

შპს „თბილისის სატრანსპორტო კომპანიის“
გენერალურ დირექტორს
ბ-ნ. გიორგი შარკოვს

შპს „ჯი-თი გრუპ“-ის
ს/კ: 200119923
მის: თბილისი, დ. აღმაშენებლის ხეივანი 216
ტელ: +995 32 2 740 740

საჩივარი

(NAT180017308 ელექტრონულ ტენდერთან დაკავშირებით)

როგორც მოგეხსენებათ, „სახელმწიფო შესყიდვების შესახებ“ საქართველოს კანონის საფუძველზე შექმნილი დავების განხილვის საბჭოს (შემდგომში - „საბჭო“) 2019 წლის 18 თებერვლის გადაწყვეტილებით არ დაკმაყოფილდა შპს „ჯი-თი გრუპ“-ის მიერ შპს „თბილისის სატრანსპორტო კომპანიის“ სატენდერო კომისიის (შემდგომში - „სატენდერო კომისია“/„შემსყიდველი“) 2019 წლის 31 იანვრის #7 სხდომის ოქმით მიღებულ გადაწყვეტილებასთან დაკავშირებით წარდგენილი საჩივარი #DET180017308_03 (NAT). აღნიშნული გადაწყვეტილებით, საბჭომ, მართალია, მიიჩნია, რომ სატენდერო კომისიის 2019 წლის 31 იანვრის სხდომის #7 ოქმით მიღებული გადაწყვეტილება შეესაბამება მოქმედ კანონმდებლობას, თუმცა, საბჭომ ასევე ზუსტად მიუთითა შემსყიდველს მის მიერ შპს „ჯი-თი გრუპ“-თან მიმართებით შესყიდვის პროცედურაში დაშვებულ არაერთ მნიშვნელოვან შეცდომაზე, რაც სრულიად უკანონოდ და უსამართლოდ პრეტენდენტის დისკვალიფიკაციის საფუძველი გახდა.

საბჭო მიიჩნევს, რომ სატენდერო კომისიის მიერ 2019 წლის 8 იანვრის სხდომის #5 ოქმით არასრულყოფილად მოეთხოვა პრეტენდენტს სატენდერო დოკუმენტაციის 2.2.1.4 ქვეპუნქტით გათვალისწინებული გამოცდილების დაზუსტება, უფრო კონკრეტულად, საბჭო #5 სხდომის ოქმთან დაკავშირებით აღნიშნავს: „სატენდერო კომისიამ მოითხოვა სატენდერო დოკუმენტაციის სადავო, 2.2.1 პუნქტის 2.2.1.4 ქვეპუნქტით მოთხოვნასთან დაკავშირებით პრეტენდენტის მიერ წარმოდგენილი დოკუმენტების/ინფორმაციის დაზუსტება მხოლოდ ავტობუსის ევროკავშირის მასშტაბით მიწოდებასთან დაკავშირებით, თუმცა ყურადღება არ გაუმახვილებია ამავე პუნქტში ასახულ მოთხოვნაზე საქონლის „უკანასკნელი 3 წლის განმავლობაში“ მიწოდების შესახებ“. საბჭო ასევე აღნიშნავს, რომ იმიტომ არ აუქმებს სატენდერო კომისიის სხდომის #5 ოქმით მიღებულ გადაწყვეტილებას, რომ გასულია საბჭოში აღნიშნული გადაწყვეტილების გასაჩივრების ვადა, მაგრამ პირდაპირ მიუთითებს შემსყიდველ ორგანიზაციას მის მიერ განხორციელებულ კანონშეუსაბამო ქმედებაზე: „საბჭო

მიიჩნევს, რომ მას შემდეგ რაც შპს „თბილისის სატრანსპორტო კომპანიის“ სატენდერო კომისია გაეცნო DET180017308_02(NAT) საჩივართან დაკავშირებით საბჭოს მიერ 2019 წლის 30 იანვარს მიღებულ გადაწყვეტილებას, რომელშიც ცალსახად იქნა დაფიქსირებული საბჭოს პოზიცია იმის შესახებ, თუ რა იგულისხმებოდა სატენდერო დოკუმენტაციის 2.2.1 პუნქტის 2.2.1.4 ქვეპუნქტში მითითებულ „უკანასკნელ 3 წელში“, მას ასევე უნდა განეხილა ის საკითხი, თუ რამდენად შეესაბამებოდა მის მიერ 2019 წლის 8 იანვრის სხდომის #5 ოქმში სატენდერო დოკუმენტაციის 2.2.1. პუნქტის 2.2.1.4 ქვეპუნქტის მოთხოვნასთან დაკავშირებით პრეტენდენტის - შპს „ჯი-თი გრუპის“ მიერ წარმოდგენილი დოკუმენტების/ინფორმაციის დაზუსტების შესახებ გაკეთებული ჩანაწერი საბჭოს პოზიციას“. საბჭო აღნიშნული სიტუაციიდან გამოსავალსაც თავად სთავაზობს სატენდერო კომისიას და გადაწყვეტილებაში არაერთგზის ხაზგასმით მიუთითებს საქართველოს ზოგადი ადმინისტრაციული კოდექსის მე-60¹ მუხლზე, რომლის მიხედვით, შემსყიდველი ორგანიზაცია უფლებამოსილია ბათილად ცნოს თავის მიერ გამოცემული ადმინისტრაციულ-სამართლებრივი აქტი, თუ ის ეწინააღმდეგება კანონს ან არსებითად დარღვეულია მისი მომზადების ან გამოცემის კანონმდებლობით დადგენილი სხვა მოთხოვნები.

აღსანიშნავია თავად შემსყიდველი ორგანიზაციის წარმომადგენელთა პოზიციაც, რომელიც მათ DET180017308_03(NAT) საჩივრის განხილვისას ზეპირ მოსმენაზე დააფიქსირეს და ასახულია საბჭოს 2019 წლის 18 თებერვლის გადაწყვეტილების აღწერილობით ნაწილშიც: „როგორც ჩანს, ჩვენ შეგვეშალა ვადის ათვლა, დავების საბჭომ აღნიშნულ შეცდომაზე მიგვითითა და გამოვასწორეთ“. სატენდერო კომისია თვლის, რომ მის მიერ დაშვებული „შეცდომა“ საბჭოს მითითების შესაბამისად გამოსწორა შპს „ჯი-თი გრუპ“-ის დისკვალიფიკაციით, თუმცა, ეს ასე არ არის. სატენდერო კომისიას საბჭოს მიერ მიღებულ გადაწყვეტილებებთან ერთად უნდა ეხელმძღვანელა სახელმწიფო შესყიდვების სააგენტოს თავმჯდომარის 2017 წლის 14 ივნისის #12 ბრძანებით დამტკიცებული „ელექტრონული ტენდერის ჩატარების წესის“ (შემდგომში - „ბრძანება“) 27-ე მუხლის მე-5 პუნქტით, რომლის მიხედვითაც, „სატენდერო კომისია ვალდებულია, ზუსტად მიუთითოს პრეტენდენტს დასაზუსტებელი პოზიციის/ნაწილის შესახებ“. ასევე, შემსყიდველს მხედველობაში უნდა მიეღო თავად საბჭოს მიერ დადგენილი განზოგადებული პრაქტიკა, რომლის მიხედვითაც, შემსყიდველი ორგანიზაციის სატენდერო კომისიის ქმედება კანონსაწინააღმდეგოა, თუ ის შესაბამისი სხდომის ოქმით პრეტენდენტს არ მოსთხოვს კონკრეტული პოზიციის/ნაწილის დაზუსტებას, რაც შემდგომ პრეტენდენტის დისკვალიფიკაციის საფუძველი ხდება. შესაბამისად, საბჭოს მიერ DET180017308_02(NAT) საჩივართან დაკავშირებით 2019 წლის 30 იანვარს მიღებული გადაწყვეტილებით სატენდერო კომისიისათვის იმის მითითება, რომ სატენდერო კომისიის მიერ სხდომის #6 ოქმით მიღებული გადაწყვეტილება შპს „ჯი-თი გრუპ“-ის გამარჯვებულად გამოცხადების შესახებ უნდა გაუქმებულიყო, სრულებით არ იგულისხმობდა, რომ სატენდერო კომისიას უპირობოდ პრეტენდენტის დისკვალიფიკაცია უნდა მოეხდინა. უფრო მეტიც, ვინაიდან საბჭო მიიჩნევს, რომ სატენდერო კომისიამ დაზუსტების ეტაპზე დასაზუსტებელი პოზიციის ნაწილი გარკვევით ვერ ჩამოაყალიბა, ეს აღნიშნული გადაწყვეტილების ბათილად ცნობის საფუძველია. შესაბამისად, სატენდერო კომისიას ამ კანონსაწინააღმდეგო გადაწყვეტილებისათვის მეორე უკანონო და ამასთან, უსამართლო გადაწყვეტილებაც არ უნდა დაემატებინა, რაც შპს „ჯი-თი გრუპ“-ის

დისკვალიფიკაციაში გამოიხატა და პირიქით, ამ ეტაპზე მაინც უნდა გამოეყენებინა უფლებამოსილება თავის მიერ მიღებული უკანონო გადაწყვეტილებების გადასინჯვისა და მათი ბათილად ცნობის შესახებ.

„სახელმწიფო შესყიდვების შესახებ“ საქართველოს კანონის 232-ე მუხლის მიხედვით პრეტენდენტს უფლება აქვს სატენდერო კომისიის გადაწყვეტილება გაასაჩივროს თავად შემსყიდველ ორგანიზაციაში. ამ შემთხვევაში, შემსყიდველი ორგანიზაცია ვალდებულია მიიღოს დასაბუთებული წერილობითი გადაწყვეტილება და საჩივრის მიღებიდან არაუგვიანეს 10 სამუშაო დღის ვადაში აცნობოს ის მომჩივანს. ამასთან, საჩივრის განხილვის პერიოდში, შემსყიდველი ორგანიზაცია ვალდებულია არ მიიღოს გადაწყვეტილება ან არ განახორციელოს ქმედება გასაჩივრებულ სახელმწიფო შესყიდვის პროცედურებთან დაკავშირებით შესაბამისი გადაწყვეტილების მიღებამდე.

ყოველივე ზემოაღნიშნულიდან გამომდინარე, სატენდერო კომისიას მოვმართავთ თხოვნით:

მოთხოვნა

გაუქმდეს სატენდერო კომისიის მიერ 2019 წლის 08 იანვარის სხდომის #5 ოქმით მიღებული გადაწყვეტილება და 2019 წლის 31 იანვრის სხდომის #7 ოქმით მიღებული გადაწყვეტილება შპს „ჯი-თი გრუპ“-ის დისკვალიფიკაციის შესახებ; სატენდერო კომისიის მიერ მიღებულ იქნას ახალი გადაწყვეტილება, რომელშიც მოთხოვნა პრეტენდენტისათვის სატენდერო დოკუმენტაციის 2.2.1 პუნქტის 2.2.1.4 ქვეპუნქტის დამადასტურებელი დოკუმენტაციის წარდგენასთან დაკავშირებით ჩამოყალიბებული იქნება ნათლად და კონკრეტულად, საბჭოს 2018 წლის 27 დეკემბრის, 2019 წლის 30 იანვრისა და 2019 წლის 18 თებერვლის გადაწყვეტილებების სამოტივაციო ნაწილების გათვალისწინებით და შპს „ჯი-თი გრუპ“-ს მიეცეს შესაძლებლობა წარმოადგინოს დაზუსტებული დოკუმენტაცია.


სამართლებრივი საფუძველი:

საქართველოს ზოგადი ადმინისტრაციული კოდექსის მე-60¹ მუხლის 1-ლი და მე-3 ნაწილები, ამავე კოდექსის 96-ე მუხლის 1-ლი და მე-2 ნაწილები, „სახელმწიფო შესყიდვების შესახებ“ საქართველოს კანონის 232-ე მუხლი, ბრძანების 27-ე მუხლის მე-5 პუნქტი, საბჭოს 27.12.2018 წლის გადაწყვეტილება DET180017308_01(NAT) საჩივართან დაკავშირებით, საბჭოს 30.01.2019 წლის გადაწყვეტილება DET180017308_02(NAT) საჩივართან დაკავშირებით და საბჭოს 18.02.2019 წლის გადაწყვეტილება DET180017308_03(NAT) საჩივართან დაკავშირებით.

პატისიცემით,

ლევან გოგსაძე

გენერალური დირექტორი


19/02/2019

GT
GROU
PLLC

Digitally
signed by GT
GROUPLLC
Date:
2019.02.19
14:59:45
+04'00'